



勾漏集

詩序

感知篇并序

勾吳

顧起綸

綸

錢塘

洪

楩

編



余將命駕而北旋適泛輕舟以南邁形役勞勞
年踰四十倦游踪跡幾遍天涯浪接衆流聿興
長愴撫日月之易遷感知已之難遇平生素交
冉冉不待人世幾何凋落殆半矣昔陸平原擬

賦歎逝向常侍聆音思舊良有以也遂作感知
篇只從世次後先毋論所際窮達計得雜體若
千首各附正畧於篇端是諸君子者或結髮受
知振纓偶合或道術相忘區迹頗比軫三益以
慨增靡五交之痛絕並系一篇謬加拾綴顧罕
永逝而鄭產悲伊惠先祖而蒙莊寢芳音邈然
蕙嘆繼作接爾柔翰寫我永懷

居士陳公准并序

公字用濟自號石雲居士世家邑之塔橋里為

工部尚書即秋林先生子余母氏則公長女也
公所性高潔鯁直抗名避俗中歲獨卧一室汛
掃習靜焚香啜茗酬藻染翰日與圖史几硯相
狎耳所書篆隸古雅准李斯蔡邕章法行楷在
顏魯公趙文敏之間先輩邵文莊公嘗曰吾文
必得石雲書之乃佳耳晚年益厭城市謂余毋
曰老人不堪囂喧欲買山一區就泉石投老也
因卜居龍山之陽條然結廬種竹臨池通泉當
戶題其石曰德星里林扉署以竹深處云時與

居士錢公般桓其間肆志怡老年七十
獨守一丘老臨池養墨魚經從陸羽寫碑許夏
承書平生厭城市卒歲買山居自署竹深處清
風披故墟

處士錢公高并序

公字景旻邑之泰定里人偃師令公之子先生
骨氣清淑風度雅素蹈履式方話音尚正童顏
皓髮翩翩如仙流也早通儒籍晚好在老時復
鳴琴咏詩以適所志先正王文肅邵文莊諸公

嘗延之賓塾鄉之達者以古山先生稱之率與
陳居士朱道士二公結霞外之交其室中塵雜
不染但置古帙名札香爐茗盃耳安貧怡世年
七十終於家

少也垂髫日曾游先哲林焚香時晏坐閉戶獨
微吟牀上鬼谷易窓間尼丘琴皤然里中叟遠
適烟霞心

叅議伯父適并序

伯父字與行素性踈誕博覽羣籍兼好星數異

說片言微事過耳畫心卽文莊公嘗誦其文奇
之曰漢魏才也及登第歷西署名重於時年三
十餘擢外藩以無子乞休好築室藝圃自號圃
亭子每放志嗜飲草書酷似向常侍一揮千言
陵駕古人不輕示俗所居不事掃除澳認一榻
惟盈樽散帙耳嘗自謂余星命當利水火相濟
因好服礲坐中時置水於簪裾之間隆冬客多
有藏冰遺之者一夕消渴卧溽暑感異夢竟徂
所惜芳草零落僅有蓉峰先生遺稿二卷卒年

五十有八

吾家仲父才擬在騷人後翻遍九流書經目諷
於口頗鄙衰代言所尚邃古友問對邁厭次字
法唯向秀乞疏早懸車休居託之酒嘗言壺中
公永慕橘中叟築室面其林不減商山趣服礲
時啖冰從卯飲至酉八絕出其門一空何所帚
墳草沒已無隴樹今尚有懷哉愴然涕英冥知
也否

梅上人并序

上人梅里人也因稱梅溪常住惠山寺中每旦
抱瓮手汲陸子泉淪茗款客高譚釋典時愛苦
吟載梅溪手鈔今白雲堂即所居其化塔在繡
嶺之下

上人是寂性頗好吾派書白馬傳經處黃梅作
偈餘泉憐陸子井山捨湛公居一鴈塔中瘞白
雲空影廬

文秀才臺并序

字雲承翰林待詔文衡山先生之季子也生有

異質英邁好學持立寡合手做趙文敏松雪齋
書畫筆力精勁得古人中鋒運指之法嘗見遺
飛白折枝花一卷客有曰文公之筆可索此子
不易也惜哉未立而折

文翁英特子清氣逼瓊瑤好學雙飛白遺我雪
中蕉撫卷傷早折對之空鬱陶

處士陳公道復并序

公字復甫號白易山人世居長洲少負才名落
魄不羈厭章句之學其書法倣李蔡鍾王虞柳

諸家頗得其趣每對客乘興潑墨作雲山花草
遇逍遙竒逸之思迄為吳中競嗜公閒靖幽曠
真率寡言見俗人則望望然去之所好雅歌醇
醪終日對之不輟客有以盈觴相勸者公便拂
衣而起曰酒在細嚼豈耽沉湎也是不知飲中
之趣耳時移一書舫行吟吳越中所泊處高軒
畢集終於壘江年七十有一
吳中有八絕處士居其一一生惟嗜酒數畝但
種秫能臨幼婦碑好落驚人筆醉向北窓眠垂

帷消永日

處士王公逢元并序

公字子新南都吉山人也世居淮清溪上英偉
不羈曠逸鞅足放浪嘯傲謝絕流俗長紳異矩
超然脫落雖王公鉅卿不能下屈也其翰墨辭
章精緻古雅人猶膾嗜之不啻宋元人良值年
四十九逝云

白下不羈士清溪掩敝廬新裁鮑子句絕筆蠅
頭書行似禰衡直狂疑中散如偶然逢客至相

對不簪裾

左都宋莊靖公景并序

公字維賢奉新人素性坦夷高節清界履蹈繩
矩篤倫重誼言行不爽俸餘多贍之貧交居鄉
立朝賢聲無間登乙丑第官中外晉位南中丞
司空改司馬保釐留都迄懷公備戎約法名重
於時丁未改北臺總憲出
上簡命也公
慨然趨
名益秉初節是年越六月公抱病臨
終執余手曰死何足論但負
聖明耳公

歷官四十有五年忠敬如一日當代難之

賜謚曰莊靖公余詩哭之曰宋公今已逝慷慨
有餘清自卜青山葬誰憐白髮生潮喧江驛跼
雲暗漢臺旌臨死丹心切猶言負
聖明

宋公舊保釐留京著經畧三事令蘭臺清澈水
壺薄既輕季子金且重布生諾傷哉許國身流
響振寥廓

進士楊公鉉并序

公字進夫昆陵人世居前王里中英氣魁岸博

雅愛賢好書右軍十七日帖一時士林宗尚焉
早發名科晚歲始得子嘗避居於荆溪之墅數
上禮闈失意嘔嘔沉疴終於家年五十有三
揚子高藝才好學余所雅書得換鶩之文似雕
蟲者時有問竒人門外停車馬詣闕幾上言
落魄居第下敝裘千里寒歸卧延陵野寨寨謝
人世浩歎知音寡

太子司直白公悅并序

公字貞甫康敏公之子其先洛陽人因號洛原
居毘陵若干世矣少嘗師易明先生學該羣籍
早擅時名及游北雍鄉士之賢者無不枉造焉
其意氣高邁論思雅飾慨然有孔北海之風擢
壬辰第除客部主事歷儀部正郎當也上冊建
四郊悉公手疏註儀

上嘉允改太子司直

丁酉左遷南府前叅軍補南吏部郎復為時輩
所忌調河間別駕尋轉尚寶司丞因放薦一故
人遂迂冢鄉出為僉事違時播謫者一十六年
病卒於邸舍余詩哭之曰千里聞君討朝朝驚

復悲獨憐遷客恨不遇薦賢時攬返秋山廓旌
翻雲樹岐賈辛留鷺賦誰為附騷詞
白公洛下才弱齡擅詞賦獨制南宮儀復直東
朝寓五遷仍一佐廿載郎如故平生抗其行寧
免時所妬誰知高門中延納多韋布一言必見
賞千金未嘗顧意氣海內踈悲哉若未遇

翠師

自言天目人骨貌蒼古時着笠緗衣草索經行
吳越之間一鉢蕭然到處卓錫擅越雲集西湖

諸佛剎金身寶界多師所建也常結菴於毘陵
西濠客至必淨飯相款居人云龕中常有一小
青蛇透師膝間每歲佛日會必大開香積於戒
壇以數十艇庾糧而至說者謂師諳燒鍊之法
養砂於天目山中徃徃所施資此耳一晚過余
談至夜分款之宿昧旦戶未啟師不知所之矣
後解化於天竺寺

翠師本無着擔簷赤雙脚乞食施阿那燃金鑄
蘭若絕聲空妙音苦口漱真燦一朝淨涅槃負

我青蓮約

侍郎嚴公時恭并序

公字 浙江餘姚人也儉素純謹厚重寡言
笑學該經術以族籍王賓歷藩臬者幾三十年
當軸憐其才疏聞內歷卿貳公慨然曰曰得除
藩籍足矣詎免忌者遂乞休去蕭然終於里第
時稱餘姚夫子云

夫子淡薄心日食不兼味窮年登上卿珥冕忘
其貴嘗憐故人寒曾解締抱衣於時每恂恂深
衷余所畏乞休返姚丘終慕張仲蔚

池秀才蘊并序

字子戔居昆陵之東濠少孤英敏秀朗清才逸
步卓然自立貧居讀書屢空自若不輕詣貴顯
之門其亦清修處困之士也年三十九而卒
栖遲一室士抱影守丘樊曾不問生計讀書消
素食臨濠圭竇外統舍荆榛繁貧矣且不祿憐
君詎可言

京山侯崔公元并序

公字 岱屏山人世居閩中少游都下尚

孝廟長宮主附馬都尉居東王府者餘五十年

從 今上龍飛進茲爵日直 禁苑應

制公特達雄傑有機變之才受眷以來晝日造

膝伏對頗稱 德意以長宮主賢時啟進忠

疑 上嘉重首出勲輔令終府第 賜典優

渥公歷事三朝思如一日當代所難平生好古

博雅多置別館延士甲第臺榭都市相望丁未

春 詔公護 孝烈皇后喪時一名公嘗慕

其臺館之勝謂余曰京山上陵未日百官送

梓宮當過其墅時其止與汝一游至則公已盛

陳尊俎相候綺筵繡幕之繁華瑤石琪林之藻

麗具不足言其商秦寶鼎唐宋名畫羅列珍賞

世所罕覩也公富侈有雅興詩章學杜頗得其

趣亦古豪俠之流歎年七十二終

京山當代豪沉機秉明哲時乘 龍飛年獨

保軒車軼築館市辭翰解貂贈游說 三朝尚

列侯七貴詎能迭富侈一旦徂樓榭枉唇舌甲

第鳳臺空黃金畫消雪

處士仇公英并序

公字實甫吳郡崇明人也自少冲默好學形神
茂異資識高雅見古人名畫輒覃思玩索極究
其微因多訪吳越博藏世家畫得宣和所載五
代唐宋名賢粉本其為畫山水人物花鳥樓臺
各極其能事筆蹤精巧體涉今古盤鬱飛動之
狀超出塵外矧絕時流余嘗謂祝枝山字仇十
洲畫亦當代之妙品也所寓三橋里中好事者

日造之為饋金市畫初得公手摩名畫徃徃坐
致數百金今吳下工畫者多出其門其真筆不
減唐宋所值也余一日過訪為公留款且曰數
年置公壁楮今欲了所請上真像耳立為懸筆
圖之法從落落凜然如生文待詔公會見而竒
曰此馬遠丁鼠法周東村所不及也公平生篤
倫尚友溫厚平曠鄉閭稱之豈當獨以畫品掩
其清修邪惜哉年止四十有五
仇公筆底風雲興湧史座右千峰登清狂馬上

吟詩像絕妙溪邊渡水僧寧從弟子化孤鶴不
為孫郎誤點蠅少年曾讀維摩偈頗學藍田王
右丞

赤肚子并序

先生不知何許人貌古形矧蒼頭碧眼寒暑侏
裸元陽如蓋時踞氈片矧矧膝聳肩子子然一
猴也居薊門者若干年九流之人從之如雲弘
治至嘉靖間便聞先生不語辟穀矣其菴為相
國夏公所建乙丑歲夏公再相因其門人籃輿

致之先生牽夏公蟒繡遂之令去戊申夏聞於
上命秉一真人招置顯靈宮擁膝聳肩台見先
生稱癩佯狂叫跳余因迥訪覩其髮矧目閉於
數年前稍殊矣執余手曰好好扣之多不咄但
曰道號輝輝留宮中月餘或數日餒一棗耳終
不可屈見 上詔還薊門去

西域古皇生薊門赤肚子嘿語殆絕兀元陽含
太始四體六根淨長裸却寒暑頽然髮骨樵坐
閱崑崙逝佯狂謝 至尊惟曰輝輝氏

少監李公忠并序

公文安人也嘗守備留都因以金陵李稱之中
歲閑住郊居樸素力耕歲致千金高誼樂施一
方之貧者德之丁未間其里中豪者求寺田不
遂以重獄誣其僧公為不平倡義捐金挺身代
白之此三晉古風也終年七十八

聞公中貴時翻然厭緋紫長耕北平田罕入都
門市破獄度幽僧捐金代其理義心久論止誰
識金陵李

宗伯盛公端明并序

公字希道號程齋揭陽人也甫生一老僧詣門
曰君家所得子迺端明學士也及長有異質靈
性知其前身曾寓一殿托生為南郭軍士猶記
門外古楊時繫馬其間後尋造其所見老馬猶
向公長嘶宛然故居其家老軍士正公生之日
也是知老僧之言不謬端明為宋朝殿名明道
先生嘗為是殿學士因以名號焉公風神高偉
氣自冲朗博學贍才其詩文多曾臆中語早歲

發解登第策名文憲歷官宮寮侍經筵致中丞
政高棲海外雅好葆真服食之法冲然自得不
慕榮達癸卯間 上聞其賢手 勅以少
司空再起復進宗伯越明年至都 賜居西華
門外日承 宸札諮問宣直諸 皇壇 賜章
曰進制得密啟聞 尚方珎錫晝三接焉公惟
杜門却掃吟詩寄適行李中每挈一棺常樂談
屍解之事時 覃恩考績例當請誥蔭公撫然
曰奚為此哉得歸老故立足矣數稱病乞身終

於家年八十有二 賜謚曰榮簡
先生生何代託身侍軒轅每談形解術時奉帝
皇恩昔直端明殿今居 西苑門聞道當下風
親枉 宸音溫北闕 詔三錫南宮拜一言
捲衣載祕噐百粵返中園榮祿非所好萬乘詎
能援

何仲慮并序

仲慮餘姚人弱年游都下談星命卜易之理往
徃奇驗頗好書法文言一時公卿事之疑者必

從何子決之嘗有遠志俠術事邊客死年三十
有一
仲慮青歲客出入金張門窮達竟數理脩短定
一言頗聞任俠氣出塞懸狐韃何爾不自卜淪
沒龍沙原

陳柳柳并序

陳生者楚人也其先商於龍江之市留落長干
里中余一日登兩花臺遇烏生青年美質雅好
文藻展余篋面偶書題柳白練序古詞生閱而

憐之遂對客長歌幽韻振響藹然柳色襲衣生
即席留別有送客攀青眼憑君畫綠眉之句後
一年尋生故主云已傷折矣余忘其名因託楊
柳傷之

年少繁華子長歌楊柳春朝未彩雲沒惆悵聰
歌人

中書舍人洪公澄并序

公字靜夫號西溪錢塘人也裔出宋忠宣公今
襄惠公之長子風神卓異雄才高論藐勢重諾

好義周急自負狹氣正德庚午中鄉試初授中
舍直閣票 旨匡正密勿遂迂秉鈞者謫徽
州幕公笑曰人生貴適意耳直道不容則當去
之豈徇此浮名邪竟棄官歸田王陽明先生嘗
重其氣節為作傳手書遺之後以長子詹簿公
覃恩復前官晚歲築墅孤山平湖當門千峰抱
閣林榭巨麗勝甲江左海內慕公之高輪舫相
逐願造其門公延納不倦時出名品玆玩客能
賞鑑者即欣然投贈初公游紫陽山遇一流落

藍縷者體貌魁岸應對儻倣公竒而延致上客
厚贈別去後逆瑾用事襄惠公以抗法瑾憾之
公馳說瑾非重賂莫能通一掌事者請見之極
賢襄惠公於瑾側其患遂解且導公出謝曰余
即紫陽之流落人也德公止報耳及宸濠中黨
嘗欲劫杭為外援數召襄惠公為民望公危之
懷七首往說黨黨曰女翁流言謗我何也公對
曰公宅心不為何畏譖口今自反無怍流言奚
患哉黨見公辭正氣壯以禮遣還公少負氣節

臨事好謀值亂反正有國士之風其卒年七十有三

洪公富才辨矯矯出高門直道苟不合一嘯歸
田園俠氣質三晉率多驚座言湖中肥遯處尋
訪藹行軒泛愛老不倦樂游情素敦長歌武林
酒平生只自吞

